

Etis ab aduentu domini usque ad festum Penthecostes. De Job. Militio famoso Pragae post medium Sec. XIV. Ecclesiae varii tradunt Literatores Bohemi, quos citatos habes in edit. ungariana Bohemiae doctae Balbini P. II. p. 181. Ante Sermones nostros praefatur in illud: *Emitte domine Sapientiam tuam de sede magnitudinis tuae &c. Sap. c. 9. v. 10.* et de illis ait: *Scito me esse rogatum a studentibus Collegij studij Pragens. publice propter deum, ut sermones, quos tunc predicavi, in scriptis redigerem &c.* dat item rationes, cur iis *Abortivi* nomen imposueris adludendo ad *Job. c. 3. v. 16.* et *I. Cor. c. 15. v. 8.* Ad Clerum five de Synodo inscribuntur solum Sermones II. fol. 82. et 89. quibus acriter in Concubinitatum, Simoniam, luxum vestium et galam infurgit. Ita vitia in quovis hominum genere viguere semper & semper ab ejusdem generis hominibus impugnata sunt. Addam, quod ad calcem superest: *Finitus est autem presens liber Anno natiuitatis domini 1416. In die sancti Matthei apostoli hora quasi prima* (juxta Horologium Boh.) *Et comparatus est per venerabilem dominum Johannem Abbatem In Malnsee.* Abbas is fuit numero LI. cognomine *Trenbeckius* eodem electus anno, de quo adi *Chronicon Lunae-lac.* editum *Sumpt. J. Gastl Bibliop. Pedepont. 1748. p. 197. 4.*

DCCXC.

Codex chartaceus germ. Sec. R. 601 XVI. Folior. 49. 4. continet *Gregorii Rosepbii* e S. J. Ecclesiae cathedral. *Augustani Sermones sacros* II. quorum prior a. 1582. parentat incomparabili *Danieli Brendelio ab Homburg* Electori Mogunt. alter vero dictus ad S. *Udalrici* Translationem S. *Simperti* Ep. *Augustani* celebrat, quam tertiam esse video ex *Hierarchia August. Corbiniani Khamm* P. I. p. 104. factam a. 1579. sub Abbate *Jac. Köpplino*. E priore Sermone trium Imperatorum honorifica *Danieli* Senfa huc transferre lubet: *Ein Kaiser pflegte ihn zu nennen: er sey der verständigste Mann im ganzen römischen Reiche. Ein anderer Kaiser nannte ihn das Register des heiligen römischen Reiches, in dem man alles finden könne. Ein dritter nennt ihn seinen herzlieben Vater. Ferdinandum I. Maximilianum II. et Rudolphum II. intellige. Dicat Sermonum utrumque ab ore, ut ait, concionantis exceptum Carolo Archid. Ferdnandi I. filio Bartholomaeus Wagnerus ciuis Augustanus, an ille, quem Saxonia ob non receptum Corpus Doctrinae Melanchthonis circa 1561. excedere iustum Joecherus tradit in Lexico?*

DCCXCI.

Codex membraneus lat. Sec. R. 2057 XIV. Pagg. 392. 8. non una manu partim per duas columnas, partim lineis longis exaratus et minio distin-

1893

H O M I L E T I C I.

1894

distinctus sequentia complectitur: I. *Sermones* sacros initio mutilatos; jam enim tertium folium numerum antiquum 160. praefert. De variis per annum Dominicis et Festis agunt, levis momenti, nulloque Autore, nisi quod *Sermo* p. 2. incipiens in illud: *Videbunt filium hominis venientem* &c. *Luc.* 21. inscribatur *Magistri Francisci de Marchia*, cui Franciscano *Picenati* nec *Waddingus*, nec *Fabrizius* *Sermones* adtribuunt.

II. pag. 165. sequuntur breviculi *Sermones de Sanctis cum legenda et miracula*. Primus in illud: *Ave Maria gratia plena* &c.

III. pag. 207. *Meditatio beati bernardi*. Initium: *Multi multa sciunt et se ipsos nesciunt* &c. Prout extat Edit. *Maur. Opp. T. V. col. 319.* inter Scripta dubia, et a nobis saepius relata est. Hic in *Articulos XIX.* distribuitur.

IV. pag. 229. *Sententiae multorum*. Puta *Patrum Gregorii, Bernardi, Augustini* &c. ad nullum certum scopum directae. Accedunt Adnotationes prolixiores de *pretiosa morte sanctorum, de quinque Modis Paupertatis, de septem Cameris inferni, de amore septiformi, de animalibus, de quatuor generibus lacrimarum* &c.

V. pag. 271. *De erroribus hereticorum*. Initium: *Audistis quia anticristus venit, nunc autem multi anticristi facti sunt*. Pag. 285. habes Autorem. *Ego autem frater Rinerus (Raynerus Sacconus) olim heresarcha nunc dei gratia sacerdos in ordine fratrum*
Deus Codd. *Theol. V. II. P. III.*

predicatorum licet indignus dico indubitanter &c. Egi de hoc *Opusculo Vol. I. P. 1. col. 1079.* et alias, ut *Index* docet. *Exemplum* praefens est ex auctis et interpolatis in *Germania*.

VI. pag. 314. *Allegaciones biblie cum tabula*. Dic *Exempla Virtutum et Vitiorum S. Scripturae Nic. de Hanapis O. P.* saepius jam utroque *Vol.* indicata, et hic Praefatione munita, quae incipit: *Tanta pollet excellentia predicationis officium* &c. Hanc excipit supra dicta *Tabula*, tum ipsum Opus: *Creatio rerum fuit ita mirabilis* &c. cui tamen extrema defunt.

DCCXCII.

Codex membranaceus lat. Sec. R. 1127
XIV. Folior. nunc 56. 4. min. partim per duas columnas, partim lineis longis, non una manu exaratus, rubricis distinctus et quondam Collegii S. J. *Vienn.* tria complectitur. I. breviculas, quas vocat, *Collationes*, five Argumenta sacrarum *Dictionum* in singulas *Anni Dominicas*, tum etiam in *Festa SS.* Ita statim *Dominica prima in Adventu* sic: *Induamur arma lucis*. Rom. *Expectantibus magne et desiderate persone adventum oportet considerare quantum ad se, ne preueniantur, quantum ad aduersarios, ne impediantur, quantum ad expectatum, ne ab eo contempnantur. Timentes preueniri solent stare induti, Timentes impediri solent stare ar-*
mati,